

# Yuhana letereŋi shɔnwuŋi

## Mpe yii à yaa yii cè mà jwo yii jyè letereŋi funŋɔ jwumpe e ke

Yuhana mpyi Yesu tũntunŋɔ. Uru u à ŋge letereŋi sém'a tũugo dánafeebii kurunŋke kà á. Ku mpyi a sàa táan u á. Lire e u à ku yyere: «cìmpworocwoŋi». U à ku dánafeebii yyere: «cìmpworocwoŋi pyiibii».

Yuhana à li cya pi á, pi piye kyaa táan piy'á. U à li cya mú na wà ha mpa pi á ná kàlaŋi waber'e, ŋgemu u à li cyêe na Yesu jye a pa mpyi sùpya dijyeŋi i mɛ, pi àha jɛɛ urufoo na mɛ.

### Jwumpe tasiige

**1** <sup>1</sup> Mii u jye dánafeebii kacwɔnrɔŋi ke, mii u jye na ŋge letereŋi sémeni si ntun cìmpworocwoŋi<sup>a</sup> ná u pyiibil'á, Kile à uru ŋgemu cwɔnrɔ ke. Yii kyal'à táan mii á sèeŋi na. Mii kann'á bà yii kyal'à táan mɛ, ŋka mpìi puni pi à sèeŋi cè ke, yii kyal'à táan pire pun'á. <sup>2</sup> Yii kyal'à táan wuu á, naha na ye wuu à sèeŋi cè, u mú sí n-kwôro ná wuu e, fo tèekwombaa. <sup>3</sup> Tufoŋi Kile ná u Jyaŋi Yesu \*Kirisita sí jwɔ wuu na, si jùnaara ta wuu na, si yyeyiŋke kan wuu á, bà wuu si mpyi s'a jaare sèeŋi juŋ'i, si wuye kyaa táan wuy'á mɛ.

### Wuu à yaa wuu a jaare sèeŋi juŋ'i, wuu u wuye kyaa táan wuy'á

<sup>4</sup> L'à pyi mii á funntanga nimbwɔhɔ, mà li jya na mu pyiibii pìi na jaare sèeŋi juŋ'i, bà Tufoŋi à li cya wuu á mɛ. <sup>5</sup> Jye mii cìmpworocwoŋi, jye mii jye na sémeni si ntun mu á numɛ ke, to nivɔnŋɔ bà mɛ. Uru toŋ'à le wuu á, canŋke wuu à jyè Kile kuni i ke, uru u jye: wuu wuye kyaa táan wuy'á. <sup>6</sup> Wuu aha a Kile toŋi kurigii jaare, lire li jye tàange. Yire yi jye na yu yii á, mà lwɔ fo yii canjyige Kile kuni i, yii a lire pyi.

<sup>7</sup> Mpìi pi jye na sùpyire jwɔ fáanŋi na leni kumpiini i ke, pir'à jyaha dijyeŋi yyaha kurugo numɛ. Pi jye na jɛeg'a tèn li taan na Yesu \*Kirisita à pa dijyeŋi i ná supyicyeere e mɛ. Shin maha shin u jye amuni ke, urufoo na jye kafiniviniwe, maa mpyi Kirisita zàmpɛn. <sup>8</sup> Yii a yiye kàanmucaa, bà li si mpyi yii àha ŋkwɔ wuu báaraŋi kapyiini yaha li pyi laaga baa mɛ, yii yiye waha bà yii si mpyi si u tɔnŋi puni ta mɛ. <sup>9</sup> Kàlaŋi u à yyaha tíi ná Kirisita kani i ke, shin maha shin u jye u jye a uye pɔɔ uru na

---

<sup>a</sup>1.1 Naha ŋke cyage e, dánafeebii kurunŋke kà mege ki. Dánafeebii kurunŋke shiinbii pi jye u pyiibii.

mε, maa laaga tɔɔn uru na ke, urufoo ɲye ná Kile e mε. Ɔka shinɲi u à uye pwo uru na ke, urufoo ɲye ná Tufooɲi ná Jyafooɲi i. <sup>10</sup> Wà ha mpa yii á ná kàlaɲi waber'e, ɲgemu u ɲye u ɲye a yyaha tíi ná Kirisita kani i mε, yii àha ɲεε urufoo yaha u sunmbage lèɲε yii pyenge e<sup>b</sup> mε. Yii àha urufoo shéere bá mε, <sup>11</sup> ɲaha na ye ɲgemu ká urufoo shéere ke, u à wwɔ ná urufol'e kuru báaraɲe na.

### Jwumpe nizanmpe

<sup>12</sup> Karii ɲiɲyahagii saha na ɲye mii á mà jwo yii á, mii la nàha si cyi séme mε, ɲaha na ye mii la ɲye si ɲkàre wani yii yyére si sà cyi jwo yii á, bà wuu funntange si mpyi si fúnɲɔ mε. <sup>13</sup> Mu cìmpworocwoɲi Kile à cwɔɔnɔ ke, uru pyiibil'à mu shéere.

---

<sup>b</sup>**1.10** Pyenge kyaa l'à jwo naha ɲke cyage e ke, dánafeebii tabinnige kyaa li. Lire tɛni i cyeye mpyi sàha ɲkwɔ a faanra Kile pèente mεε na mε, dánafeebii mpyi maha piye bínnini pyenyi i.